

TLHAHISO-LESELING KA MPATE-SHELENG TSA ALLIANCE INSURANCE

MEFUTA EA LEFU E RE E SIRELETSANG

1 Lefu la tlholeho (Natural death)

Ke lefu le hlahang ka lebaka la maloetse, botsofali kapa ho se sebetse hantle ha 'mele, ntle le kotsi, tlaselo kapa tlokotsi.

2 Lefu la kotsi (Accidental death)

Ke lefu le kenyelelitseng; ho khangoa ke metsi, ho otloa ke letolo, ho hlajoa ka thipa, kotsi ea koloi, ho thunngoa, joalo-joalo.

Ha ho kenyeletsoe lefu la tlholeho kapa litlamorao tsa tšebetso ea ngaka.

Mofu ea nkiloeng ke noka (Drowning)

Re lefa matšelisano a lefu le joalo, 'me re le nka e le la kotsi. Setho se lokela ho fana ka litokomane tse tloaelehileng tsa kopo ea matšelisano a kotsi.

Moo setopo se sa fumanehang kamora ho nkoa ke noka, lelapa le lokela ho hlalisa bopaki ba lefu ho tsoa makhotleng a molao (presumption of death order).

Mofu ea bolauoeng (Murder)

Re lefa matšelisano a lefu le joalo ho sa khethe hore na mofu o bolauoe ka tsela efe. Lefu la motho ea bolauoeng le nkoa e le la kotsi, 'me re hloka tlaleho ea sepolesa (police report) le lengolo la ngaka e hlahlobang bafu ho netefatsa sena.

- Moo tlaleho ea sepolesa e bontšang mojalefa (claimant or beneficiary) e le 'melaelloa polaong ea mofu re emisa tefo ea matšelisano ho fihlela liphuputso li phethetsoe kapa makhotla a ahlotse.
- Moo tlaleho ea sepolesa e bontšang mofu a bolauoe a le ketsong ea tlolo ea molao, re lefa matšelisano a tloaelehileng ka ha ha re nke lefu leo e le la kotsi.
- Maemong a mang ohle ntle le a ka holimo, re lefa matšelisano a lefu a tloaelehileng re boele re lefe a tlatsetsang a lefu la kotsi (re menahanya matšelisano ha beli).

Mofu ea bolauoeng a le ketsong ea tlolo ea molao

Moo tlaleho ea sepolesa e bontšang mofu a bolauoe a le ketsong ea tlolo ea molao, re lefa matšelisano a tloaelehileng feela, ka ha ha re nke lefu leo e le la kotsi.

Mofu ea ipolaileng (Suicide)

Moo mofu a ipolaileng, re lefa matšelisano a tloaelehileng feela, 'me mofu o lokela hore a be a qetile likhoeli tse leshome le metso e 'meli e le setho. Lefu le joalo ha re le nke e le la kotsi.

Litokomane tse hlokahalang ho etsa kopo ea matšelisano a lefu

- ✓ Lengolo la bopaki ba lefu (Death certificate)
- ✓ Lengolo la 'moshara kapa presumption of death order
- ✓ Boitsebiso bo nakong ba motho ea etsang kopo (Copy)
- ✓ Bopaki ba lenyalo (moo mofu eleng molekane)
- ✓ Lengolo la Morena (moo mofu a sa eang 'moshareng)
- ✓ Tlaleho ea sepolesa (ha lefu e le la kotsi)
- ✓ Tlaleho ea ngaka (ha lefu e le la kotsi)
- ✓ Bopaki ba polokelo ea banka kapa nomoro ea M-Pesa

Makeabetsoe R. Mabaleha

(Head Group Marketing and Communications)

Lipotso le litlelebo

PR and Communications (Alliance Insurance)

80010888 AllianceInsuranceLS

Ha u sa khotsofalla tharallo

Commissioner of Insurances (Central Bank of Lesotho)

22312481/22234000 registry@centralbank.org.ls

